

自 上益勵廉恥之道則自能改心革慮而為善豈有自陷於

賊罪以取 誅戮哉 上曰大抵時習不淑而貪風大盛故守令

或有如此之人矣非謂列邑盡是貪殘之吏也○上御輪對繕

工監副正李瓊曰古之聖人制刑而輔治五刑之中大辟為重

故或三覆或五覆伏見今時初覆三覆則皆與大臣議之再覆則

政院啓下而已則名雖為三而實再覆也請再覆亦依初三覆之

例與眾詳讞以重民命○夜自四更至五更坤方巽方南方如

火氣○以陳寔為司諫院正言中廟朝正言李承孝承金安老

書觀為其兄報仇人多義之金鎮為兵曹佐郎

史臣曰寔之為人趨向方正詳勤國事忠信質直士類許之

忠臣曰鎮為人陰險凶惡多機變交結權纘崔瑒之徒煽禍士

林貌甚醜惡監面鬼色人比之盧杞

辛亥清洪道洪州癘疫熾殺死者四百四十四人卧痛者六百

二十一人 癸丑傳曰正郎李壽鐵以嶺南救荒敬差官體奉上意能盡其